

## Siunnersuummut oqaaseqaatit

### Siunnersuummut nalinginnaasunik oqaaseqaatit

#### 1. Aallarniut

##### *1.1. Pingaarnertut tunuliaqutaasut*

Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaanni nr. 20, 3. december 2012-meersumi, allanngortinneqartumi Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaata allanngortinneqarneranik Inatsisartut inatsisaanni nr. 4, 3. juni 2016-imeersumi aamma Inatsisartut inatsisaanni nr. 27, ulloq 17. november 2017-imeersumi, aamma nr. 21, ulloq 1. december 2021-imeersumi nalilersuinerneq ingerlatsisoqarsimavoq. Nalilersuereernerneq siunnersuutigineqarpoq oqaasertalersuineq allanngortinneqartitsisoqassasoq oqaasertat nutaannngilisoorsimammata, aamma aalajangersakkat pisariaqanngitsut pissutigalugit. Kalaallit Nunaanni inuussutissarsiorneq suli annerusumik siuarsarumallugu qinnuteqartunut piumasqaatit ilaat sakkukillineqassasut siunnersuutigineqarpoq. Allannngortinneqartut siunnersuusiornikkut aalajangersakkat peerniarneqarput, allanngortinneqarput pitsanngorsarniarneqarlutillu. Allanngortinneqartut atatillugu Inatsisartut inatsisaata taaguutaa allanngortinneqarpoq, taamaasillunilu sammisumik inuussutissarsiornikkut siuarsaanermik qulequtaqalerluni.

##### *1.2. Inatsisissamik piareersaanermi qulequttat pingaarnertut*

Inatsisartut Inatsisartut inatsisaannik oqaluuserinninnerup saniatigut 2023-ip ukiaani Inuussutissarsiutinut, Niuernerneq, Aatsitassanut, Inatsisat Atuutinneqarnerannut Naligiissitaanermullu Naalakkersuisoqarfiup aamma NALIK Ventures A/S-ip akornanni nalilersuiffigisumik ataatsimiinnerneq ingerlatsisoqarsimavoq, tassanilu annikitsunik taarsigassarsititsisarnerneq aqqissuussineq qulequtarineqarsimapput. Ataatsimiinnerup ingrelanerani NALIK Ventures A/S-ip kukkunersuisut arlaannaannulluunniit attuumassuteqanngitsut nalunaarusiaat saqqummiuppaat, tassanilu ilaatigut kisitsisit annikitsunik taarsigassarsititsisarnerneq aqqissuussinerneq attuumassutillit imarineqarlutik.

##### *1.3. Siunnersuutip imarisai nalinginnaasumik*

Annikitsunik taarsigassarsititsisarnerneq aqqissuussineq piffissami 1. januaari 2018 -imit 1. januar 2022-mut ukiuni 4-ni misiliutitut ingerlanneqarsimavoq. Inatsisartut inatsisaannut nr. 27, ulloq 17. november 2017-imeersup oqaaseqaataani, annikitsunik taarsigassarsititsisarnerneq eqqunneqarfigisaani naatsorsuutigisaasimavoq misiliinnerneq aqqissuussinerneq naanerani annikitsunik taarsigassarsititsisarneq ingerlateqqinneqassanersoq nalilersuisoqarnissaa. NALIK Ventures A/S -ip 2023-p ukiaanerani nalilersuinerneq annikitsunik taarsigassarsititsisarneq iluartilluarsimasutut nalilerpaa, annikitsunillu attartortartut tamakkiusavillutik attartukkaminneq utertitsisartut oqaatigineqarluni, aammalu

aallarnisaasut suliffeqarfiillu mikinerusut aningaasanik attartorsimasut ineriartorlutik. Taamaattumik annikitsunik attartortitsisarnerup ingerlateqqinneqarnissaa siunnersuutigineqarpoq, soorluttaaq inassutigineqartoq piffissami misiliiviusumi aningaasanut inatsisikkut immikkoortitsisoqartassasoq 500 t. kr.-inik ukiumut annikitsunik attartortitassatut.

Nunami inuussutissarsiutinik siuarsaaneq pillugu inatsimmi atuuttumi aalajangersakkat naapertorlugit ingerlatsinermut inuiaqatigiillu aningasarsiornerannut sunniutaasut nalilersorneqarneri tunngavigalugit inuussutissarsiutinut tapiissuteqartoqartarpoq, nalilersuinermi isiginiarneqarneqartartut tassaapput qinnuteqartup sulianut aqutsinikkullu piginnaaneri misilittagaalu, qinnuteqartup aningaasaqarnera aammalu niuernikkut pilersaarusiap attanneqarsinnaassusia. Massakkullu siunnersuutigineqarpoq ingerlatsinermut atatillugu nalilersuinermi niuernermut pilersaarusiap attanneqarsinnaassusaa taamaallaat nalilersuiffigineqartassasoq.

Ilanngullugulu siunnersuutigineqarpoq qinnuteqartut pisortanut annertuunik akiitsoqartut aamma periarfissaqassasut Inatsisartut inatsisaat aqutigalugu tapiissutisisinnaanermut. Tamannalu qinnuteqartunut annertuunik pisortanut akiitsoqartunut niuernikkulli attanneqarsinnaasumik pilersaarusiorsimasunut tapertinnissamat periarfissiisaaq.

## **2. Siunnersuummi qulequttat pingaarnertit**

### *2.1. Inatsisit atuuttut*

1. januar 2013 aallarnerfigalugu Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat nr. 20, ulloq 3. december 2012-imeersoq atortuulersinneqarpoq.

Inatsisartut inatsisaanni siunertaasimavoq inuussutissarsiutinik siuarsaanermi inatsisinik nutarteriniarneq, siunnerfigalugu nunami inuussutissarsiutini inuussutissarsiorneq pitsaannerusumik ineriartortinneqassasoq. Inatsisartut inatsisaatigut ammaanneqarput tapiissuteqartarnikkut aqqissuussinerit nalinginnaasut allaffissornikkut ingerlatsivimmiitinneqalersinnaaneri imaluunniit kommuninut inissinneqarsinnaaneri. Siunnersuut siunnerfeqarsimavoq taamaallaat tapiissuteqartoqartarsinnaassasoq inuussutissarsiorneq suliniutini aamma ingerlatsinerni ingerlalluarsinnaasuni, aammalu nalinginnaasumik aningaasarsiorneq isiginninnermiit ineriartortinneqarsinnaasuni, imaluunniit ingerlaqqissinnaasuni Namminersorlutik Oqartussat tapiissuteqartarnerisigu.

Kingornagut Inatsisartut inatsisaanni nr. 4, ulloq 3. juni 2016-imeersumi ammaanneqarpoq periarfissaq aningaasanut inatsisikkut immikkoortitsisoqarsinnaaneranik aallarnisaasunik taaneqartunut tapiissuteqarsinnaanermut, tapiissutillu aningaasaannaasusaaq, kisiannili aamma aallarnisaasunut aqqissuussanik ingerlatsisarnermik qaammatit 24 angullugit sivisussuseqartartunik, siunnersorneqarsinnaanermik aallarnisarnerullu nalaani isumasioqatissaqartarneq atuuttassalluni. Inatsisartut inatsisaat taanna atortuulerpoq ulloq 1. juni 2016.

Tamatuma kingornagut annikitsunik taarsigassarsititsisarnermik aaqqissuussineq ukiuni 4-ni misiligutitut atortuulersinneqarpoq, ulloq 1. januar 2018, Inatsisartut inatsisaatigut nr. 27, ulloq 17. november 2017-imeersukkut. Taanna Inatsiartuni aalajangiiffigisassatut siunnersuummi UKA 2016/48-mit tunuliaqutaqarpoq, tasanilu Naalakkersuisut pisussaaffilerneqarput inatsisissamut siunnersuummik suliaqarnissamik ukiuni 4-ni misiligutitut aaqqissuussinissamik inatsisissamut siunnersuusiornissamik, neqeroortoqarsinnaalersikkumallugu annikitsunik taarsigassarsititsisarmissamik, nalinginnaasumik aningaaserivitsigut taarsigassarsisinnaanermut periarfissaqanngitsunut.

Tamatumalu kingornagut nipilersornermik filmiliornermillu inuussutissarsiuteqartut tapiiffigineqarsinnaalernerat inuussutissarsiutinik siuarsaanermut inatsimmi tapiiffigineqarsinnaanermut periarfissat iluanni Inatsisartut inatsisaatigut nr. 21, ulloq 1. december 2021 -meersukkut erseqqissaanikkut eqqunneqarpoq, taannalu ulloq 1. januar 2022-mit atortuulersinneqarpoq. Aaqqissuussinerup aningaasalersorneqarnera piffissap misiliiviusup naareernerani Inatsisartut aningaasanut inatsisaanni oqaasertaliussakkut attatiinnarneqarpoq.

## 2.2. *Siunnersuutip imarisai*

Aningaasanut inatsisikkut annikitsunik taarsigassarsititsisarnermik aaqqissuussineq ingerlatiinnarneqassasoq siunnersuutigineqarpoq. Annikitsunik taarsigassarsititsisarnermi misilittakkat pitsaasuupput, attartortunut namminernut aamma inuiaqatigiinnut - kisitsisit paasissutissat aamma naammassiat takukkit. Malugiuk kisitsisit paasissutissat aamma angusat pineqartut aallaaveqarnerat annikitsunik taarsigassarsititsisarnermik aaqqissuussinerup atortuulersinneqarneraniit ulloq 1. januar 2018-miit 2023-imi ukiaaneranut, tamatumalu kingornagut attartortissimasinnaasaat ersigatik.

- **Aningaasanik taarsigassarsianik utertitsisarneq:** Annikitsunik taarsigassarsititsisarnermi aningaasanik attartortarsimasut tamakkusavillutik aningaasat attartukkatit utertittarsimavaat, atugassarititaasut pineqartut iluanni, tamannalu ersersitsisuulluni aningaasanik attartortartut akisussaassuseqarluarnerannik.

- **Attartugassanik immikkoortitserisarnermik periaaseq:** NALIK Ventures A/S -ip annikitsunik taarsigassarsianik attartortinneqartartunik immikkoortitserisarnera aallaaveqarsimavoq niuernikkut ingerlatsinissanik pilersaarussiaasut nassiunneqartartut pitsaassusiinik, tamannalu peqataasimalluni qularnaarisarnernut aningaasat attartortinneqartarnerannut taamaallaat ingerlalluarsinnaasutut isigineqartunut isumalluarnartunullu suliffeqarfinnut. NALIK Ventures A/S -imit naatsorsuutigineqarpoq annikitsunik taarsigassarsititsisarnermik aaqqissuussinerup iluatsilluarsimaneranut, taarsigassarsiallu pitsaasumik utertitsiumassuseqarnerannut attartortussanik immikkoortitserisarnermik aaqqissuussinerup peqqissaartuunera peqqutaasoq.

- **Nunatsinni siammasissumik aningaasaliissutaasartut siammasinneri:** Kommunini tamani annikitsunik taarsigassarsititsisoqartarpoq. Aajukua kisitsisit paasissutissat ersarinnerusut:

Avannaata Kommunia	<b>1</b>
Kommune Qeqertalik	<b>3</b>
Qeqqata Kommunia	<b>7</b>
Kommuneqarfik Sermersooq	<b>5<sup>1</sup></b>
Kommune Kujalleq	<b>3</b>

- **Annikitsunik taarsigassarsiaasartut inuussutissarsiutini siammarsimassusiat:** Annikitsunik attartortitsisoqartarpoq inuussutissarsiutini tulliuuttuni:

Takornariartitsineq	<b>10</b>
Sanaartorneq	<b>2</b>
Suliffissuaqarnermi	<b>1</b>
Atuisuni	<b>3</b>
Ilinniartitaanerni	<b>1</b>
Allani	<b>2</b>

Taamaattumik siunnersuutigineqarpoq annikitsunik taarsigassarsitsisarneq ingerlateqqinneqassasoq, inuiaqatigiinnut pitsaasunik sunniuteqartarmat, aaqqissuussinermillu taamaattumik pisariaqartitsineq ersersinneqarmat.

Inatsisartut inatsisaanni § 7, imm. 4, naapertorlugu inuussutissarsiutitut siuarsaanermut tapiissutinik tunniussisoqartarpoq qinnuteqaammi ingerlatsinerlut inuiaqatigiillu aningaasarsiornerannut nalilersuinerit aallaavigalugit. Ingerlatsinerlut tunngatillugu nalilersuinermit qinnuteqartup sulianut aqutsinikkullu piginnaaneri misilittagaalu, qinnuteqartup aningaasaqarnera kiisalu niuernikkut pilersaarusiap attanneqarsinnaassusia.

Maannalu siunnersuutigineqarpoq qinnuteqartup suliatigut aqutsinikkullu piginnaaneri kiisalu qinnuteqartup aningaasaqarnera siunissami nalilersuisoqaleraangat ilanngunneqartarunnaassasut. Ingerlatsinerlu pillugu nalilersuisoqartillugu taamaallaat niuernikkut pilersaarusiap attanneqarsinnaassusia nalilersorneqartalissasoq.

Inatsisartut inatsisaanni atuuttumi § 8, imm. 2 -imi allassimasut malillugit qinnuteqartoq imaluunniit aqutsisooqataasoq imaluunniit siulersuisuni aqutsisooqataasoq pisortaqaarfinnut annertuumik akiitsoqartillugu tapiissuteqartoqaqqusaanngilaq.

Siunnersuutigineqarpoq aalajangersakkat pisortanut akiitsulinnut atuuttut peerneqassasut.

<sup>1</sup> Nuummi 4 -at aamma kommunip sinnerani ataaseq.

**3. Aningaasaqarnikkut aamma allaffissornikkut pisortanut kingunerisassai**

Siunnersuutip kinguneraa annikitsunik attartortitsisarnermik aaqqissuussineq aaqqissuussinertut ataavartutut ingerlanneqalissasoq, aningaasanullu inatsimmi immikkoortitsisarnikkut aningaasalersorneqassasoq. Aningaasanut inatsimmi 2025-mut ukiunullu missingersuusiorfiusunut 500.000 kr.-inik immikkoortitsisoqassasoq naatsorsuutigineqarpoq. Tamatuma saniatigut naatsorsuutigineqarpoq aningaasanut inatsimmi ukiut tamaasa aaqqissuussinerup allaffissornikkut ingerlanneranut immikkoortitsisoqartarnissaa.

Annikitsunik taarsigassarsititsisarnermik aaqqissuussinermi sinaakkutit 2018-imi atortuulersitsinermi atorineqartut ingerlateqqinneqassapput, taamalu kommunit ilaatigut periarfissaqassallutik aningaasaliissutissatut immikkoortitanik ilassusiisinaanermik. Tamatumalu saniatigut taarsigassarsititsinissanut neriorsuuteqartarnej taarsigassarsiassanillu akiliisarnerit taamaallaat ingerlanneqartassallutik ukiumoortunik aningaasaliissutaasut iluanni. Aningaasaliissutaasimasut - immikkoortinneqarsimasut – ukiumi ataatsimi attartortinneqarsimanngitsut nuunneqartarsinnaassapput ukiumut tullermut, taamalu aningaasaliissutaasinnaasutut killiliussat ukiumi ataatsimi 500.000 kr.-init qaffasinnerusinnaallutik. Naaffeqartunik akilersuutit aamma erniat attartorteqqinneqartassapput. Aaqqissuussinerup atorunnaarsereerneratigut aaqqissuussineq sinneqartoorfiuppat, taakkua nunatta karsianut nakkartinneqassapput, soorluttaaq nunatta karsiata annaasaqartoqassagaluarpat annaasat nammattussaagai, allatut isumaqatigiittoqarsimanngippat allaffissornikkut ingerlatsisullu aamma / imaluunniit kommunillu.

**4. Aningaasaqarnikkut aamma allaffissornikkut inuussutissarsiortunut kingunerisassai**

Siunnersuut aallaavigalugu suliffeqarfiit minnerusut annikitsunik taarsigassarsititsisarnissamut periarfissaqaaqqilissapput. Tamatuma tapiissuteqartarnerni periarfissat inuussutissarsiortunut annertusissavai, tamannalu naatsorsuutigineqarpoq suli inuussutissarsiortunut ilorranut sunniuteqassasoq. Siunnersuutillu siusinnerusumi piumasaaqatit inuussutissarsiutinut siuarsaanermut tapiissutisisinnaanermi sakkukillissavai, imaalillugu qinnuteqartut pisortanut annertuunik akiitsoqartut inuussutissarsiutinut siuarsaanermit mattusimajunnaarlugit.

**5. Avatangiisinut, pinngortitamut aamma innuttaasut peqqissusiannut kingunerisassai**

Naatsorsuutigineqanngilaq siunnersuut avatangiisinut, pinngortitamut imaluunniit innuttaasut peqqissusiannut sunniuteqassasoq.

**6. Innuttaasunut kingunerisassai**

Naatsorsuutigineqanngilaq siullersuut innuttaasunut kinguneqassasoq.

**7. Allatigut kingunerisassai**

Naatsorsuutigineqanngilaq siunnersuut allatigut pingaarutilinnik kinguneqassasoq.

### **8. Pisortanik aamma kattuffinnik il.il. tusarniaaneq**

Siunnersuut piffissami ulloq 30. april 2024 – 28. maj 2024 tamanut ammasumik tusarniaassutigineqarpoq tusarniaasarnermut quppersakkakut ugguuna

[www.naalackersuisut.gl](http://www.naalackersuisut.gl).

Siunnersuut piffissami tassani aamma tusarniaavigineqartartunut tulliuttunut tusarniaassutaasimavoq:

Naalackersuisut Siulittaasuata Naalackersuisoqarfia  
 Ineqarnermut Attaveqaasersuutinullu Naalackersuisoqarfik  
 Aningaasaqarnermut Akileraartarnermullu Naalackersuisoqarfik  
 Aalisarnermut Piniarnermullu Naalackersuisoqarfik  
 Isumaginninnermut, Suliffeqarnermut Nunamullu Namminermt Naalackersuisoqarfik  
 Ilinniartitaanermt, Kultureqarnermt, Timersornermt Ilageeqarnermullu  
 Naalackersuisoqarfik  
 Namminersulernissamut Nunanullu allanut Naalackersuisoqarfik  
 Nunalerinnermt, Imminut Pilersornermt, Nukissiuuteqarnermt Avatangiisinullu  
 Naalackersuisoqarfik  
 Meeqqanut, Inuusuttunut Ilaqutariinnullu Naalackersuisoqarfik  
 Peqqissutsimut Naalackersuisoqarfik  
 Avannaata Kommunia  
 Qeqqata Kommunia  
 Qeqertalik Kommunia  
 Kommuneqarfik Sermersooq  
 Kommune Kujalleq  
 Sulisitsisut  
 SIK  
 ASG  
 IMAK  
 NPK  
 PPK  
 KNAPK  
 Avannaata Erhverv  
 Qeqertalik Business Council  
 Arctic Circle Business  
 Sermersooq Business  
 Innovation South Greenland  
 Explore North Greenland  
 Destination Arctic Circle  
 Destination Diskobay

Eastgreenland.com

Visit Greenland

Nalik Ventures

Eqqartuussissuserisut - Nuna advokater

Eqqartuussissuserisut - Arctic Law

Eqqartuussissuserisut - Advokatfirmaet Malling & Hansen Damm

Eqqartuussissuserisoq - Advokatfirmaet Meinel

Eqqartuussissuserisoq - Advokat Gedion Jeremiassen

Eqqartuussissuserisoq - Inuit Law

Eqqartuussissuserisoq - Advokat Naja Joelsen

Eqqartuussissuserisoq - Advokat Aviâja Helms

Aqqartuussissuserisoq - Advokat Marie Louise Frederiksen

Kukkunersiuisut - Grønlands Revision

Kukkunersiuisut - Deloitte

EY

BDO

Grønlandsbanken

Banknordik

Ilanngussamut 2-mut innersuussisoqassaaq tusarniaaneq pillugu, aamma tusarniaanermut akissutisiat pillugit.

**Siunnersuummi aalajangersakkanut  
ataasiakkaanut oqaaseqaatit**

*§ 1 -imut*

Nr. 1 -imut

Siunnersuutigineqarpoq Inatsisartut inatsisaata taaguutaa allanngortinneqassasoq, siunnersuummi § 1, nr. 4-ap kingunerisaanik. Tamatumunnga oqaaseqaatit nassuiaatit innersuunneqarput.

Nr. 2 -mut

Siunnersuutigineqarpoq oqaasertaliussaasimasoq *§ 1 b, imm. 1* -imi allanngortinneqassasoq imaalillugu *aallarnisaasut mikisut* taarserneqassasoq imaalillugu *suliffeqarfiit minnerusut*, taaguut *aallarnisaasut mikisut* nutaanngilisimasutut nalilerneqarmat.

Nr. 3 -mut

Siunnersuutigineqarpoq annikitsunik taarsigassarsititsisarnermik aaqqissuussinerup atorunnaarfissaatut ulluliussa *§ 1 b, imm. 3-mi* atorunnaassasoq. Tamatuma kingunerissavaa annikitsunik taarsigassarsititsisarnerup ingerlaannarnissaa.

Nr. 4 -mut

Siunnersuutigineqarpoq inuussutissarsiutit sammiviinik nalunaarsukkat peerneqarnissaat, taamalu inuussutissarsiutinik siuarsaaneq inuussutissarsiortunut siammasissumik paasineqalerluni. Inuussutissarsiutinik siuarsaaneq siunnersuummi ilaasoq ilaatigut suliffeqarfinnut aamma kifartuussivinni, takornariartitsinermi, suliffissuaqarnermi, niuernermi, akunnittarfeqarnermi, IT-mik ingerlatsinermi, misigisassarsiortitsisararluni inuussutissarsiutini, nipilersornermik ingerlatsinermi, filmiliortarnerni ilaavoq, kisiannili taakkua siunertaannut killiligaanani. Ingerlatsisarnerit soorlu arfernik imaani takusassarsiortitsisarnermi assigisaanilu ingerlatani aamma ilaavoq Inatsisartut inatsisaata iluaniittut, naak nunami suliffiunngikkaluarluni. Siunnerfiuvoq siunnersuummi pineqassasut suliffeqarfiit aamma ingerlatsinerit inuussutissarsiutinut tapiissuteqartarnernik aaqqissuussinerni allani ilaangitsut, soorlu aamma pisortanit tapersersukkanik ilinniartitaanerit, aalisarnermi inuussutissarsiummik siuarsaaneq, nunalerinermik siuarsaaneq, kulturimut tapiissuteqartarneq aamma pisortat tapiinissamut periarfissaqarfigisaat allat siunissami ilaalersinnaasut. Tapiiffiqineqarsinnaanermik neriorsorneqartarnermili suli piumasaavoq tapiiffiqineqarnissamut piumasaqaatit naammassineqarsimaneri.

Nr. 5 -imut

Siunnersuutigineqarpoq *§ 7, imm. 4*, oqaaseqatigiit aappaat allanngortinneqassasoq tapiissuteqarsinnaanermut neriorsuuteqarnissamik naliliinermi qinnuteqartup sulianut aqutsinikkullu piginnaaneri misilittagaalu qinnuteqartullu aningaasaqarnera isiginiarneqartarunnaassasoq. Naliliinermilu niuernikkut pilersaarusiap attanneqarsinnaassusiata nalilersorneqartassasoq.



Niuernermut pilersaarusiap pineqartup nalilersorneqarnerani piujuaannartitsineq aamma niuernermut pilersaarusiap qanoq suliarilluagaatiginera pingaartinneqartassapput. Niuernermut pilersaarusiaq tassaavoq ingerlatsinissamut pilersaarut suliffeqarfiup qanoq ittunik angusaqarnissaanut, - aamma qinnuteqartup anguniakkat pineqartut taakkua qanoq anguniarnerai. Pilersaarut annertunerulersitsissaaq suliffeqarfiup ingerlalluurtup imminut akilersinnaasumik ingerlanneqarsinnaanerani.

Niuernikkut pilersaarummi suut ilaassanersut, pingaartinneqarput qanoq immikkuualuttortaqartiginissaa imarisamigut eqqarsaatigalugu apeqqutaassaaq suliffeqarfiup qanoq ittuunera. Taamaattumik tulliuuttuni allaaserisat tamakkiisuunngillat, kisiannili tikkuussillutik niuernikkut pilersaarusiap nalinginnaasumik sunik imaqartarnerannik:

- Isumassarsiami tunngaviusoq: Allaaserinninneq nioqqummik imaluunniit sullissinissamik. Suna niuernermik ingerlatsinerup qitiusumik tunngaviusumik kaaviiarfigaa. Matumani aamma sullinneqartut nioqqummit suut pissarsiarisarneraat.
- Allaaserinninneq piginnaasat suut tapiiffigineqarnissamik qinnuteqartup suliniummut pineqartumut atatillugu piginerai, aamma piginnaasat suut amigaatigineqarnerisut.
- Allaaserinninneq niuerfiusumik aamma niuerfiusumi periarfissanik. Matumani aamma kikkut siunnerfiuneri aamma unammillertit kikkut eqqaaniissinnaanersut niuerfiusumi pineqartumi. Paasissutissat ersersitsisinnaassapput periarfissat qanoq ittut niuerutiginiarneqartumiinnerannik.
- Nioqqutigineqartukkut qanoq annertugisunik isertitsisoqarsinnaanerani isumaliutit.
- Qinnuteqartup nioqqummik qanoq ussassaaruteqartoqarnissaanik isumaliutersornerisooq. Matumani aamma isumaliutersuutit qanoq aqqissuussinikkut ussassaariniartoqarnerani, aamma nioqqummik qanoq ilisarititsisoqarnissaanik, imaluunniit kiffartuussinermik qanoq ilisarititsiniartoqarnera, taamaasilluni nioqqutiginiarneqartoq inunnit siunnerfiusunit takuneqartussanngorlugu soqutigisatut immikkuullarissutullu.
- Allaaserinninneq suliffeqarfiup ineriartornerani. Assersuutigalugu suliffeqarfimmut pilersaarusiakkut qanoq suliffeqarfiup ingerlanneqarnissaanik, aamma ukiut aasersuutigalugu aallartinnermiit 3 -it qaangiunneranni qanoq isikkoqartussatut takorloorneqarnerisooq.
- Aningaasarsiornermut takussutissiaq. Qanoq iliornikkut qinnuteqartup aningaasarsiornermi kaaviiartunngortinniarpa ataqatigiissumik? Qanoq isumassarsiaq aningaasalersorniarneqarpa? Matumani aamma qanoq aningaasaliissutissanik pissarsiniartoqarniarpa suliffeqarfik ingerlassinnaajumallugu. Immikkoortumi tassani ilaasariaqarput missingersuusiat tamakkiisunik takussutissiisut.

Nr. 6 -imut

Siunnersuutigineqarpoq § 8, *imm.* 2 allanngortinneqassasoq, taamalu inuit pisortanut annertuunik akiitsoqartut mattunneqarunnaarsinneqassasut tapiiffigineqarsinnaaneramiit.

*§ 2 -mut*

Siunnersuutigineqarpoq Inatsisartut inatsisaata atortuulernissaa ulloq 1. januar. 2025.

## Ilanngussaq 1

<b>Siunnersuut inatsimmut atuuttumut sanilliullugu</b>	
<i>Oqaasertat atuuttut</i>	<i>Siunnersuut</i>
	<b>§ 1</b>  Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat nr. 20, ulloq 3. december 2012-imeersaq, allanngortinneqartoq Inatsisartut inatsisaatigut nr. 4, ulloq 3. juni 2016-meersukkut, Inatsisartut inatsisaatigut nr. 27, ulloq 17. november 2017-imeersukkut aamma Inatsisartut inatsisaatigut nr. 21, ulloq 1. december 2021-imeersukkut imaattunik allannguuteqartitsisoqassaaq:
Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat	<b>1.</b> Inatsisartut inatsisaata taaguutaa imatut oqaasertalerneqassaaq: ”Nalinginnaasumik inuussutissarsiutinik siuarsaanermut Inatsisartut inatsisaat.”
<b>§1 b, Imm. 1.</b> Aningaasaliissutinik immikkoortitsisoqassaaq annikitsunik taarsigassarsititsineranut aningaasaliissutaasartussanik, aallarnisaasuaqqat aningaasalersornissaannik siunertaqartumik.	<b>2.</b> § 1 b, imm. 1 imatut oqaasertalerneqassaaq: ” Aningaasaliissutissanik immikkoortitsisoqassaaq annikitsunik taarsigassarsititsisarnermik aaqqissuussineranut atorineqartartussanik siunertaralugu suliffeqarfiit mikinerusut aningaasalersuisinnaanerak oqinnerulersikkumallugu.”
§ 1 b. Imm. 1-imi annikitsunik taarsigassarsititsisarnermut aaqqissuussineq, atuutilernerata kingorna ukiut 4-t qaangiunneranni atorunnaassaaq.”	<b>3.</b> § 1 b, imm. 3 atorunnaarsinneqarpoq.
<b>§ 2.</b> Inatsisartut inatsisaanni ilaapput nunami inuussutissarsiutinut tapiissuteqartarnerit. Nunami inuussutissarsiutinut ilaapput	<b>4.</b> § 2, imm. 1, imatut oqaasertalerneqassaaq:

<p>suliffeqarfiit aamma ingerlatsinerit kiffartuussinermi, takornariartitsinermi, suliffissuaqarnermi, niuernermi, akunnittarfeqarnermi, nipilersornermi filmiliornermi il.il. inuussutissarsiutit.</p>	<p>” Inatsisartut imaqarpoq inuussutissarsiutitik siuarsaanermik nalinginnaasumik.”</p>
<p><b>§ 7.</b> <i>Imm. 4,</i> Ingerlatsinermit inuiaqatigiillu aningaasarsiornerannut naliliineq aallaavigalugu tapiissuteqarnissamut neriorsuut tunniunneqartassaaq. Ingerlatsinermit aningaasarsiornikkut naliliinermit ilaatigut qinnuteqartup suliaqarfitsigut aqutsinikkullu piginnaasaqarfiinik piginnaasaanillu naliliineq, qinnuteqartup aningaasarsiornera niuermilum pilersaarutaata aalajangersimasup atorsinnaassusia naliliinermit ilanngunneqartassallutik.</p>	<p><b>5. § 7, imm. 4,</b> oqaaseqatigiit aappaat imatut oqaasertalerneqassaaq: ”Aningaasaqarnikkut ingerlatsinermit naliliinermit ilaatigut ilanngunneqassaaq niuernikkut pilersaarummik atuuttumik naliliineq.”</p>
<p><b>§ 8. Imm. 2.</b> Tapiiffigineqarnissamik neriorsuineq tunniunneqarsinnaanngilaq, pissarsisussaq imaluunniit aqutsisuni imaluunniit siulersuisuni inuk aqutsisuusooq akileraartarnermit inatsimmik annertuumik unioqqutitsisimasutut imaluunniit Kalaallit Nunaanni pinerluttulerinermit inatsimmi aningaasarsiornermit pinerluuteqarnermut aalajangersakkanik unioqqutitsinermini pineqaatissinneqarsimappat imaluunniit pisortanut amerlasuunik akiitsoqarpat.</p>	<p><b>6. § 8, imm. 2,</b> imatut oqaasertalerneqassaaq: ” Imm. 2. Tapiissuteqarnissamik neriorsuummik tunisisoqarsinnaanngilaq tapiiffigineqartussaq imaluunniit direktionimi inuit aqutsisuusut imaluunniit siulersuisuni ilaasortat siusinnerusukkut eqqartuussaani kuuppata pineqaatissinneqarlutik annertuumik akileraartarnikkut inatsisinik unioqqutitsisimanermik imaluunniit Kalaallit Nunaanni pinerluttulerinermit inatsimmi aalajangersakkanik unioqqutitsinikkut.”</p>

	<p style="text-align: center;"><b>§ 2I</b></p> <p>Inatsisartut inatsisaat atortuulerpoq ulloq 1. januar 2025.</p>
--	-----------------------------------------------------------------------------------------------------------------------

**Ilanngussaq 2**

Siunnersuut piffissami 30. april 2024 -imiit 28. maj 2024 ilanngullugu tamanut saqqummiunneqarpoq Namminersorlutik Oqartussat tusarniaasarnernut quppersagaanni, aammalu nassiunneqarluni tusarniaavigineqartartunut ukununnga:

Naalakkersuisut Siulittaasuata Naalakkersuisoqarfia  
Ineqarnermut Attaveqaasersuutinullu Naalakkersuisoqarfik  
Aningaasaqarnermut Akileraartarnermullu Naalakkersuisoqarfik  
Aalisarnermut Piniarnermullu Naalakkersuisoqarfik  
Isumaginninnermut, Suliffeqarnermut Nunamillu Namminermt Naalakkersuisoqarfik  
Ilinniartitaanermt, Kultureqarnermt, Timersornermt Ilageeqarnermullu  
Naalakkersuisoqarfik  
Naalagaaffinngornissamut Nunanullu Allanut Naalakkersuisoqarfik  
Departement for Landbrug, Selvforsyning, Energi og Miljø  
Meeqqanut, Inuusuttunut Ilaqtariinnullu Naalakkersuisoqarfik  
Peqqissutsimut Naalakkersuisoqarfik  
Avannaata Kommunia  
Qeqqata Kommunia  
Qeqertalik Kommunia  
Kommuneqarfik Sermersooq  
Kommune Kujalleq  
Sulisitsisut  
SIK  
ASG  
IMAK  
NPK  
PPK  
KNAPK  
Avannaani Inuusutissarsiortut  
Qeqertalik Business Council  
Arctic Circle Business  
Sermersooq Business  
Innovation South Greenland  
Explore North Greenland  
Destination Arctic Circle  
Destination Diskobay  
Eastgreenland.com  
Visit Greenland  
Nalik Ventures  
Eqqartuussissuserisut - Nuna advokater  
Eqqartuussissuserisut - Arctic Law

Eqqartuussissuserisut - Advokatfirmaet Malling & Hansen Damm

Eqqartuussissuserisoq - Advokatfirmaet Meinel

Eqqartuussissuserisoq - Advokat Gedion Jeremiassen

Eqqartuussissuserisut - Inuit Law

Eqqartuussissuserisoq - Advokat Naja Joelsen

Eqqartuussissuserisoq - Advokat Aviâja Helms

Eqqartuussissuserisoq - Advokat Marie Louise Frederiksen

Kukkunersuisut - Grønlands Revision

Kukkunersuisut - Deloitte

EY

BDO

Grønlandsbanken

Banknordik

Tusarniaanermi akissutinit ukunanga tigusaqartoqarpoq: Ineqarnermut Attaveqaasersuutinullu Naalakkersuisoqarfik, Meeqqanut Inuusuttunullu Naalakkersuisoqarfik, Aalisarnermut Piniarnermullu Naalakkersuisoqarfik, Kommune Kujalleq, KNAPK, Sulisitsisut, SIK. Sermersuumi Inuussutissarsiorneq, aamma Visit Greenland.

Ineqarnermut Attaveqaasersuutinullu Naalakkersuisoqarfik, Meeqqanut Inuusuttunullu Naalakkersuisoqarfik, Aalisarnermut Piniarnermullu Naalakkersuisoqarfik, Kommune Kujalleq aamma KNAPK nassiunneqartunut oqaaseqaateqanngillat.

### **Sulisitsisut allapput:**

Tusarniaavigineqartoq allappoq aningaasanik annikitsunik attartortitsisarnermik isumassarsiaq tassaasoq ilalersunngilluinnagaa annertussusaatigut, ikiorsiisoqartarneratigullu attartortunik nakkutilliinertut. Tusarniaavigineqartoq siunnersuummut oqaaseqaateqanngilaq.

Naalakkersuisoqarfik sulianut oqartussaasoq oqaaseqarpoq:

Ikiorsiisoqartassaaq qinnuteqaatinut atasunik. Ilanngullugulu aamma aningaasanik attartortunik nakkutilliisoqassalluni.

### **SIK allappoq:**

Tusarniaavigineqartup nalilerpaa annikitsunik attartortitsisarnermik aaqqissuussineq iluatsilluarsimasoq, taamaattumillu aaqqissuussineq ataavartunngortinneqartoq.

Naalakkersuisoqarfik sulianut oqartussaasoq allappoq:

Oqaaseqaateqanngilaq.

### **Sermersuummi Inuussutissarsiorneq, Kommuneqarfik Sermersooq, allappoq:**

Tusarniaavigineqartup allannguineq tikilluaqquaa, ineriartornerlu maanna aaqqissuussinerusup iluani ingerlasoq iluarisimaarlugu. Taamaattoq tusarniaavigineqartoq isumaqarpoq aningaasaliissutissanut killiliussat 500.000 kr.-it ukiumut qaffasinnerusinnaasut, naatsorsuutigisariaqarmat inuussutissarsiornikkut siuariaateqartoqarnissaa, minnerunngitsumik takornariartitsinikkut inuussutissarsiutini timmisartoqarfiit allineqarnerisigut.

Tusarniaavigineqartup oqaatigaa aningaasanut inatsit aqputigalugu annertunerusunik aningaasaliissuteqarnissamut taarsiullugu qinerneqarsinnaavoq attartortitanut utertillugit ernianik akilersuutinullu akiliutigineqartartut aningaasaliissutinut ilanngunneqarnissaat qinerneqarsinnaasoq, taakkua nunatta karsianut utertinnagit.

Naggasiullugu tusarniaavigineqartup qinnutigaa “niuernikkut ingerlatsinissamut pilersarusiamik pineqartumik nalilersuisarneq” itisilerneqassasoq erseqqissarneqarlunilu. Matumani aamma tunngaviusussat suut nalilersuinermi tunngaviusarneri.

*Naalackersuisoqarfiup sulianut oqartussaasup oqaaseqaatai:*

Aningaasaliissutaasuni qaffaaniarnermi sinaakkutinik aaqqissuussineq inatsisitigut allannguititsisariaqanngilaq. Ukiumut 500.000 kr.-inik immikkoortitsisarneq tassaavoq maannakkut aningaasanut inatsisikkut immikkoortitsisarnerup annertussusia.

Aningaasaliissutissanik amerlanerusunik aningaasat ukiuini tulliuttuni immikkoortitsisoqarnissaanut periarfissaqarpoq.

Maanna aaqqissuussinerup attuuttup ilagereepaa attartukkat utertinneqartartut aamma erniat akilerneqartartut aningaasaliissutiniiginnartarnerat. Siunnersuut tamatumunnga atatillugu allannguinermik kinguneqartussaannngilaq.

Nassuiaatitit oqaaseqaatini itisilerisoqarpoq aalajangersakkami qanoq paasineqartussaannersoq “niuernikkut ingerlatsinissamut pilersarusiamik pineqartumik nalilersuisarneq” pillugu.

### **Visit Greenland allappoq:**

Tusarniaavigineqartup isumaqatigaa allannguutitit siunnersuutaasoq, isumaqarlunilu Kalaallit Nunaanni inuussutissarsiornikkut ineriartortitsinermut tamanna pitsaasunik sunniuteqartussaasoq. Tusarniaavigineqartoq isumaqarpoq siunnersuut aallarnisaasartunut aamma suliffeqarfinnut minnerusunut oqinnerulersitsissasoq aningaasaliissarsiorarneq eqqarsaatigalugu tapersorsorneqartarnermilu, tamannalu ineriartortitsinermut takornariartitsinermilu siuariartornermut pingaaruteqarluinnartoq.

Naggasiullugulu tusarniaavigineqartup oqaatigaa pilersitsisoqassasoq immikkuullarissunik aningaasaliissutissanik takornariartitsinernut aamma kulturikkut suliniutinut.

Tusarniaavigineqartup nalunaarpaa aningaasaliissutit immikkoortitat pineqartut inuussutissarsiornikkut sammivinnik matumani pineqartunik ersarinnerulersitsisinnaasut



siunnerfilersugaasunillu tapersorsorneqarsinnaasut suliniutit iliuusissallu periarfissanik nutaanik siuarsaasut.

Naalackersuisoqarfiup oqartussaasup oqaaseqaatai:

Pilersaaruteqanngilaq immikkuullarissunik aningaasaliissutissanik inuussutissarsiornikkut sammivinnut immikkuullarissunut atorneqartussanik piffissami matumani. Taamaattoq qinnuteqartut takornariartitsinermik aamma kulturikkut ingerlatsinernik suliaqartut suliniuteqarnikkut periarfissaqarput qinnuteqarsinnaanermik, - inuussutissarsiutit samiviisulli allatut taakkualu naligalugit.